

AKTI I THEMELIMIT DHE STATUTI

I

SHOQËRISË TREGTARE ME PËRGJEGJËSI TË KUFIZUAR “EGIAN FARMA” SHPK

Sot më 01.11.2023, u themelua një shoqëri me përgjegjësi të kufizuar, në përputhje me dispozitat e ligjit nr. 9901, datë 14.04.2008, “Për tregtarët dhe shoqëritë tregtare” i ndryshuar, nga ortaku i vetëm, Z. Fatos Mollosmani, shtetas shqiptar, lindur më 25.09.1970, në Seferani, me banim në adresën: “Ruga Preng Jakova, ndërtesa private, Njesia Bashkiake nr. 7, Tiranë”, e-mail: fmollosmani@hotmail.com, mbajtës i letërnjoftimit me numër personal: H00925053L (në vijim referuar si “Ortaku”).

Shoqëria dhe marrëdhënia e saj me Ortakun rregullohet në përputhje me dispozitat e legjisacionit shqiptar në fuqi dhe dispozitat e këtij statuti (në vijim “Statuti”), i cili përbën edhe aktin e themelimit të shoqërisë.

KREU I

**EMRI, FORMA, ZYRA QENDRORE, OBJEKTI I VEPRIMTARISË, KOHËZGJATJA,
DEGËT DHE ZYRAT E PËRFAQËSIMIT, PËRGJEGJËSIA E ORTAKËVE**

NENI 1

Themelimi dhe emri

- 1.1 Më 01.11.2023, Ortaku i sipërpërmendur themeloi një shoqëri me përgjegjësi të kufizuar të quajtur “EGIAN FARMA” (në vijim, “Shoqëria”). Shoqëria fiton personalitet juridik pas regjistrimit të saj në Regjistrin Tregtar, të mbajtur nga Qendra Kombëtare e Biznesit.
- 1.2 Ndryshimi i emrit të Shoqërisë mund të bëhet vetëm me vendim të Asamblesë së Përgjithshme.

NENI 2

Forma ligjore

- 2.1 “EGIAN FARMA” ka formën e një shoqërie me përgjegjësi të kufizuar (SHPK).
- 2.2 Gjatë ekzistencës së saj, emri i Shoqërisë do të pasohet nga akronimi “SHPK” që tregon formën ligjore të një shoqërie me përgjegjësi të kufizuar, sipas legjisacionit shqiptar në fuqi.

NENI 3

Selia

- 3.1 Shoqëria do të ketë selinë e saj në adresën: “Ruga e Kavajës, Qendra Kondor, kati përdhe, Njësia Bashkiake nr. 7, Tiranë”.

3.2 Ndryshimi i selisë së shoqërisë mund të bëhet vetëm me vendim të Asamblesë së Përgjithshme.

NENI 4

Objekti i Veprimitarisë

- 4.1 Shoqëria do të ushtrojë veprimitari tregtare në fushën farmaceutikës: tregti me shumicë dhe pakicë të barnave për njerëz.
- 4.2 Përveç sa parashikohet në pikat 4.1 të këtij neni 4, Shoqëria mund të kryejë të gjitha operacionet tregtare, industriale, financiare, me pasuri të luajtshme dhe/ose të paluajtshme, siç mund të konsiderohen të nevojshme dhe/ose të dobishme për përbushjen e objektit të veprimitarisë së Shoqërisë, duke saktësuar se aktiviteti finansiar mund të kryhet vetëm me qëllim realizimin e objektit të shoqërisë.
- 4.3 Me qëllim realizimin e objektit të veprimitarisë së saj, Shoqëria mund të kryejë çdo veprimitari të nevojshme e të dobishme, të lejuar nga ligji për realizimin e objektit të veprimitarisë së saj.
- 4.4 Shoqëria mund të ofrojë shërbime të tjera ose të kryeje veprimitari të tjera siç vendoset përmes vendimeve të Asamblesë së Përgjithshme në përputhje me legjislacionin në fuqi.
- 4.5 Shoqëria mund të ndryshojë objektin e veprimitarisë së saj në çdo kohë, në përputhje me dispozitat e ligjit nr. 9901, datë 14.04.2008 "Për tregtarët dhe shoqërítë tregtare" i ndryshuar dhe dispozitat e këtij Statuti.

NENI 5

Kohëzgjatja

Shoqëria do të ushtrojë aktivitetin e saj për një periudhë te pacaktuar. Në çdo rast, kohëzgjatja mund ndryshojë, në çdo kohë, me vendim unanim të Asamblesë së Përgjithshme.

NENI 6

Degët dhe zyrat e përfaqësimit

Shoqëria mund të hapë degë të saj, shoqëri te lidhura, ose zyra përfaqësimi, dhe të zhvillojë aktivitet në vende të tjera, brenda ose jashtë territorit të Republikës së Shqipërisë me vendim të Asamblesë së Përgjithshme.

NENI 7

Përgjegjësia e ortakëve

- 7.1 Ortakët nuk përgjigjen për detyrimet e Shoqërisë dhe mbulojnë personalisht humbjet e Shoqërisë deri në pjesën e pashlyer të kontributeve të nënshkruara prej tyre.
- 7.2 Ortakët i kryejnë detyrat e tyre me kujdes dhe besnikërinë e duhur në përputhje me dispozitat ligjore në fuqi.

KREU III

KAPITALI I REGJISTRUAR DHE KUOTAT, ZMADHIMI DHE ZVOGËLIMI I KAPITALIT, KALIMI I KUOTAVE TË KAPITALIT

NENI 8

Kapitali i regjistruar dhe kuotat

- 8.1 Kapitali i regjistruar i Shoqërisë është 1.000 (*një mijë*) Lekë, i cili është nënshkruar nga Ortaku. Kapitali i Shoqërisë është i shlyer.
- 8.2 Kapitali i Shoqërisë zotérohet 100% (*njëqind përqind*) nga Ortaku si vijon:
 - **Fatos Mollomani**, zotérues 1 (*një*) kuotë, me vlerë 1.000 (*një mijë*) Lekë, e cila përkon me 100% (*njëqind përqind*) të kapitalit të Shoqërisë.
- 8.3 Pas themelimit të Shoqërisë, Ortaku aktual, si dhe/ose çdo ortak i ardhshëm, mund të transferojë në kapitalin e saj, në kuadër të zmadhimit të kapitalit, pjesëmarrjet e zotëruara prej tij në shoqëri të tjera, me vendim unanim të Asamblesë së Përgjithshme.

NENI 9

Zmadhimi i kapitalit

- 9.1 Kapitali i regjistruar i Shoqërisë mund të zmadhohet pa kufi, një ose disa herë, me vendim të Asamblesë së Përgjithshme.
- 9.2 Në rast zmadhimi të kapitalit të regjistruar të shoqërisë, të gjithë ortakët kanë të drejtë të nënshkruajnë dhe shlyejnë pjesët e kapitalit të zmadhuar në proporcion me pjesëmarrjen e tyre në kapital.
- 9.3 Kapitali zmadhohet në natyrë dhe/ose para, siç përcaktohet nga Asambleja e Përgjithshme.

NENI 10

Zvogëlimi i kapitalit

- 10.1 Shoqëria mund të zvogëlojë kapitalin e regjistruar me vendim të Asamblesë së Përgjithshme.
- 10.2 Zvogëlimi i kapitalit i prek ortakët në proporcion me pjesëmarrjen e tyre në kapital, me përjashtim të rastit kur në bazë të ligjit ose të statutit Asambleja e Përgjithshme mund të vendose ndryshe.

NENI 11

Transferimi i kuotave të kapitalit

- 11.1 Dispozitat e këtij neni të Statutit kanë për qëllim mbrojtjen e interesave të Shoqërisë, unitetit të ortakeve dhe ekuilibrit të marrëdhënieve midis tyre dhe për këtë arsy vendosen kufizimet e mëposhtme, në rastin e transferimit të kuotave.

- 11.2 Ortakët nuk mund të shesin/dhurojnë ose ndryshe t'i transferojnë kuotat e tyre palëve të treta për një periudhë prej 3 (*tre*) vitesh pasi kanë fituar cilësinë e tyre si ortakë të Shoqërisë. Ky kufizim nuk është i zbatueshëm në rastet kur ortakët dëshirojnë të transferojnë kuotat e tyre tek ortakët e tjera ekzistues të Shoqërisë.
- 11.3 Transferimi i kuotave do të bëhet vetëm nëpërmjet një dokumenti në formë shkresore në përputhje me legjislacionin shqiptar në fuqi.
- 11.4 Në rast të transferimit të çdo forme të kuotave (përfshirë dhe transferimin pa kundërshpërbllim), tek subjekte të ndryshëm, transferimi do të kushtëzohet nga ushtrimi i së drejtës së parablerjes nga ortakët aktuale të Shoqërisë, mbi kuotat të cilat synohet të transferohen, në përputhje me rregullat e përcaktuara në dispozitat vijuese.
- 11.5 Ortaku, që ka për qëllim të shesë apo të transferojë pjesëmarrjen e tij në kapital apo një pjesë të saj, duhet të njoftojë me postë të regjistruar dhe/ose e-mail (në vijim, "Njoftimi i Transferimit"), ortakët e tjera në adresat dhe/ose e-mailet përkatëse të bëra me dije nga vetë ortakët. Njoftimi i Transferimit duhet të përmbajë të dhënrat personale të transferuesit të kuotave dhe të përfituesit të tyre, vlerën e kuotave që do të transferohen, kushtet dhe afatet e transferimit, duke përfshirë çmimin (në vijim, "Çmimi i Paracaktuar") dhe mënyrat e pagesës.
- 11.6 Njoftimi i Transferimit do të përcaktojë një afat (në vijim "Afati i Paracaktuar") i cili nuk do të jetë me pak se 60 (*gjashtëdhjetë*) ditë nga data pasuese e Njoftimit të Transferimit të bërë, brenda së cilës oferta duhet të pranohet ose refuzohet. Njoftimi i Transferimit konsiderohet i parevokueshëm në momentin që është kryer.
- 11.7 Çmimi i Paracaktuar do të jetë një çmim i përcaktuar nga ortaku ofrues i kuotës dhe do të konsiderohet se reflekton një vlerë të drejtë të kuotës.
- 11.8 Ortakët, të cilëve iu drejtohet njoftimi si më sipër, duhet të ushtrojnë të drejtën e parablerjes mbi pjesëmarrjen së cilës i referohet njoftimi duke i dërguar ortakut ofrues dhe Administratorit me postë të regjistruar dhe/ose e-mail, brenda afatit të përcaktuar në Njoftim e Transferimit, deklaratën e ushtrimit të së drejtës së parablerjes.
- 11.9 Nëse ortakët e tjera dhe ortaku ofrues nuk bien dakord me Çmimin e Paracaktuar të kuotave të propozuara për tu transferuar nga ky i fundit, ose vlerën e tregut të kuptave të propozuara për tu transferuar në rastin e transferimit pa kundërshpërbllim, ortakët e tjera do të caktojnë një ekspert për të përcaktuar çmimin sipas vlerës së tregut. Kjo dispozitë është e zbatueshme në rastet kur Çmimi i Përcaktuar është shumë i ndryshëm nga çmimi i tregut.
- 11.10 Duke nënshkruar këtë Statut, ortakët pajtohen se mendimi i ekspertit do të jetë i detyrueshëm për ortakun ofrues dhe ai do të tërhiqet nga transferimi i kuotave të tij ose do të ndryshojet Çmimin e Përcaktuar në mënyrë që të jetë në përputhje me çmimin e pranueshëm siç vlerësohet nga eksperti dhe të njoftojë ortakët si më sipër. Në këtë rast, do të zbatohen afatet dhe procedurat e parashikuara në pikat 11.2 deri 11.9 të këtij nenit 11. Çdo transaksion i kryer në shkelje të këtij paragrafi konsiderohet absolutisht i pavlefshëm.
- 11.11 Nëse, në përfundim të Afatit të Paracaktuar, nuk është marrë asnjë njoftim pranimi, ose jo e gjithë kuota e ofruar në Njoftimin e Transferimit është pranuar nga ortakët e tjera, ortaku ofrues ka të drejtë të shesë kuotën e tij tek çdo palë e tretë, ciladoqoftë, në përputhje me Çmimin e Paracaktuar. Ortaku ofrues do të njoftojë paraprakisht me

shkrim ortakët e tjerë dhe Shoqerinë mbi identitetin e palës së tretë (në vijim "Pala e Tretë Blerëse") të cilët ai synon ti shesë kuotën.

- 11.12 Do të konsiderohet kusht paraprak mbi të drejtën e çdo ortaku për të transferuar Kuotat tek Palës së Tretë Blerëse, pranimi i ortakut të tjerë me shkrim mbi transferimin e kuotë tek drejt Pala e Tretë Blerëse;
- 11.13 Asnjë ortak nuk mund të vendosë mbi kuotat asnjë barrë të çfarëdolloj natyre qoftë, përfshirë, por pa u kufizuar, peng, garanci, barrë siguruese, etj., dhe/ose t'i vendosë si objekt i një të drejtë për t'i barrësuar pa marrë më parë miratimin me shkrim të Asamblesë së Përgjithshme të ortakëve. Asnjë ortak nuk do të bëhet palë në asnjë marrëveshjeje në lidhje me të drejtën e votës që lidhet me të gjithë apo një pjesë të kuotës së tij.
- 11.14 Në rast se një ortak dëshiron të shesë, transferojë apo të disponojë kuotën e tij në përputhje me nën-pikat e këtij nenit:
- ortaku në fjalë do të paguajë të gjitha huatë, kreditë, detyrimet për të cilat ai i detyrohet Shoqërisë (bashke me çdo interes dhe/ose kamatëvonesë të akumuluar);
 - ortakët e tjerë do të sigurohen që Shoqëria do të paguajë të gjithë huatë, kreditë, detyrimet për të cilat Shoqëria i detyrohet ortakut ofrues (bashkë me çdo interes dhe/ose kamatëvonesë të akumuluar).
- 11.15 Çdo transferim i kryer në kundërshtim me rregullat dhe kufizimet e këtij neni 11 do të konsiderohet i pavlefshëm dhe ortaku ofrues do të jetë përgjegjës ndaj ortakëve të tjerë dhe Shoqërisë për dëmin e shkaktuar.
- 11.16 Të gjitha njoftimet në funksion të zbatimit të këtij neni do të bëhen me shkrim me postë të regjistruar dhe/ose me e-mail.

KREU IV

ORGANET E SHOQËRISË

NENI 12

Asambleja e Përgjithshme

Në bazë të legjislacionit të aplikueshëm dhe dispozitave të këtij Statuti, Asambleja e Përgjithshme e ortakëve të Shoqërisë është organi më i lartë vendimmarrës i Shoqërisë. Vendimet e Asamblesë së Përgjithshme, të marra në përputhje me ligjin dhe këtë Statut, janë detyruese për të gjithë ortakët.

NENI 13

Të drejtat dhe detyrimet e Asamblesë së Përgjithshme

Asambleja e Përgjithshme është përgjegjëse për marrjen e vendimeve për Shoqerinë në lidhje me çështjet e mëposhtme:

- përcaktimin e planit përfundimtar afatgjatë te biznesit dhe vlerësimin e tij vjetor;

- b) përcaktimin e planit vjetor të biznesit duke përfshirë planin e investimeve;
- c) miratimi i pasqyrave financiare;
- d) përcaktimin e strategjisë vjetore të marketingut, burimeve njerëzore dhe organizimit të shoqërisë;
- e) përcaktimin e emrit të markës dhe dizajnit;
- f) ndryshimet e Statutit;
- g) emërimin dhe shkarkimin e administratorëve;
- h) emërimin dhe shkarkimin e likuiduesve dhe të ekspertëve kontabël të autorizuar;
- i) përcaktimin e shpërblimeve për administratorët, likuiduesit dhe ekspertët kontabël të autorizuar;
- j) mbikëqyrjen e zbatimit të politikave tregtare nga administratorët;
- k) lidhjen e çdo marrëveshjeje e cila, gjatë afatit së saj, parashikon kryerjen e pagesave që tejkalojnë vlerën prej 5.000 (pesë mijë) Euro për çdo vit finansiar;
- l) marrjen e huave, ose garantimin e huave, qe tejkalon vleren prej 5.000 (pesë mijë) Euro për çdo hua;
- m) realizimin e shpenzimeve kapitale që tejkalojnë vlerën prej 5.000 (pesë mijë) Euro në çdo vit fiskal. Kjo, pa cënuar sa parashikuar në germat "k" dhe "l" të këtij neni 13;
- n) miratimin e pasqyrave financiare vjetore dhe të raporteve të ecurisë së veprimtarisë;
- o) shpërndarjen e fitimeve vjetore dhe mbulimin e humbjeve;
- p) zmadhimin dhe zvogëlimin e kapitalit;
- q) pjesëtimin e kuotave dhe anulimin e tyre;
- r) përfaqësimin e Shoqërisë në gjykatë dhe në procedimet e tjera ndaj administratorëve;
- s) riorganizimin dhe prishjen e Shoqërisë;
- t) miratimin e rregullave procedurale të mbledhjeve të Asamblesë së Përgjithshme;
- u) çështje të tjera të parashikuara nga ligji nr. 9901, datë 14.04.2008 "Për tregtarët dhe shoqëritë tregtare" i ndryshuar dhe/ose ky Statut.

NENI 14

Mbledhja e Asamblesë së Përgjithshme

- 14.1 Asambleja e Përgjithshme mblidhet në rastet e përcaktuara nga ligji dhe nga ky statut, sa herë që mbledhja është e nevojshme për të mbrojtur interesat e Shoqërisë. Asambleja e Përgjithshme thirret në respektim të parashikimeve të neneve 83 dhe 84 të ligjit nr. 9901, datë 14.01.2008 "Për tregtarët dhe shoqëritë tregtare" i ndryshuar dhe këtij Statuti.
- 14.2 Asambleja e Përgjithshme duhet të mblidhet së paku 1 (një) herë në vit. Në çdo rast, Asambleja e Përgjithshme mund të thirret në çdo kohë që Administratori e konsideron të nevojshme ose kur kërkohet me shkrim nga një ose më shumë ortakë që zotërojnë të

paktën 5% (pesë përqind) të kapitalit të Shoqërisë (në vijim referuar si "Ortakët e Pakicës"). Në rastin e fundit, nëse Administratori nuk e thërret asamblenë brenda 15 (pesëmbëdhjete) ditësh nga paraqitja e kërkesës së Ortakëve të Pakicës, këta të fundit kanë të drejtë ta thérresin vetë Asamblenë e Përgjithshme të ortakëve, duke përcaktuar rendin e ditës, datën, kohën dhe vendin e takimit në përputhje me procedurat e përcaktuara në dispozitat në vijim.

- 14.3 Ortakët do të njoftohen për mbledhjen e Asamblesë së Përgjithshme me anë të një postës së regjistruar dhe/ose e-mailit. Njoftimi duhet të tregojë rendin e ditës, vendin, datën dhe orën e mbledhjes dhe do t'i dërgohet secilit ortak, të paktën 8 (*tetë*) ditë përpara datës së mbledhjes. Gjithashtu, njoftimi duhet të përmbajë, edhe mënyrën e pjesëmarrjes në Asamblenë e ortakëve dhe/ose mënyrën e vendimmarjes. Ortakët mund të bien dakord për një çështje, rast pas rasti, përmes një konfirmimi me shkrim, nëpërmjet postës së regjistruar dhe/ose e-mailit, nga të gjithë ortakët, që afati i tillë të jetë më pak se 8 (*tetë*) ditë, siç është vendosur në shkresën konfirmuese.
- 14.4 Njoftimi i mbledhjes mund të parashikojë edhe një datë të dytë për mbledhjen e Asamblesë në rast se mbledhja e parë nuk zhvillohet sipas njoftimit, në përputhje me përcaktimet e këtij Statuti.
- 14.5 Në rastin kur njoftimi i mbledhjes bëhet nëpërmjet e-mailit, njoftimi konsiderohet i marrë nga ortakët në datën/orën e shënuar në mesazhin e marrjes/dorëzimit të njoftimit të e-mailit.
- 14.6 Ortakët janë të detyruar që të depozitojnë me shkrim pranë administratorit të Shoqërisë adresën në të cilën do t'i dërgohet njoftimi nga shoqëria me anë të postës së regjistruar, si dhe e-mailin (nëse ato janë të ndryshme nga ato të treguara në këtë Statut), ku do t'i dërgohet njoftimi me anë të postës elektronike. Dërgimi i njoftimit në këto adresa do të konsiderohet si njoftim i kryer rregullisht. Është përgjegjësi e ortakut përkatës të njoftojë çdo ndryshim të këtyre adresave.
- 14.7 Mbledhja e Asamblesë së Përgjithshme mund të mbahet në selinë e Shoqërisë ose në një vend tjetër të propozuar nga administratori dhe të miratuar nga ortakët. Në këtë rast, ortakët duhet të dorëzojnë me shkrim miratimin e tyre. Ortakët që përfaqësojnë 75% (*shtatëdhjetë e pesë përqind*) të kapitalit të Shoqërisë duhet të bien dakord nëse dëshirojnë të zhvillojnë mbledhjen në një vend tjetër jashtë selisë së Shoqërisë. Në rast se ortakët nuk bien dakord për zhvillimin e mbledhjes në një vend tjetër, atëherë mbledhja do të mbahet në selinë e Shoqërisë.
- 14.8 Mbledhjet e Asamblesë së Përgjithshme dhe vendimet e saj janë të vlefshme edhe pa thirrje formale, kur marrin pjesë të gjithë ortakët që përfaqësojnë të gjithë kapitalin e Shoqërisë.

NENI 15

Pjesëmarrja në vendime

- 15.1 Çdo ortak ka të drejtë vote në përpjesëtim me kontributin e tij në kapitalin e Shoqërisë.
- 15.2 Çdo ortak mund të përfaqësohet në Asamblenë e Përgjithshme nga një ortak ose nga një person i tretë, në bazë të një autorizimi me shkrim. Ky autorizim mund të jepet

vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.

- 15.3 Ortaku nuk mund të përfaqësohet në Asamblenë e Përgjithshme nga Administratori.

NENI 16

Kuorumi dhe vendimmarria

- 16.1 Mbledhjet e Asamblesë së Përgjithshme në çdo rast janë të vlefshme nëse të marrin pjesë personalisht, ose të përfaqësuar, ortakët të cilët zoterojnë më shumë se gjysmën e kapitalit të Shoqërisë.
- 16.2 Me përjashtim të sa parashikohet në pikën 16.3 të këtij nenit 16, Asambleja e Përgjithshme merr vendime të vlefshme me 51% (*pesëdhjetë e një përqind*) të votave pro të ortakëve pjesëmarrës në mbledhje në përputhje me nenin 16.1 më sipër.
- 16.3 Asambleja e Përgjithshme merr vendime të vlefshme me votë unanime të të gjithë Ortakëve të Shoqërisë. Këto vendime përfshijnë:
- a. emërimin e administratorit;
 - b. ndryshimin e emërtimit të Shoqërisë;
 - c. ndryshimin e selisë;
 - d. ndryshimin e kohëzgjatjes së Shoqërisë;
 - e. blerjen e kuotave/aksioneve në shoqëri të tjera;
 - f. shitjen e kuotave/aksioneve të shoqërive të tjera;
 - g. hapjen e degëve dhe zyrave të përfaqësimit, brenda dhe jashtë territorit të Republikës së Shqipërisë;
 - h. zmadhimin ose zvogëlimin e kapitalit të Shoqërisë;
 - i. shpërndarjen e fitimit;
 - j. riorganizimin dhe prishjen e Shoqërisë;
 - k. anulimin e kuotave;
 - l. përjashtimin e ortakut;
 - m. përcaktimin e planit afatgjatë përfundimtar të biznesit dhe miratimin e tij;
 - n. përcaktimin e planit vjetor të biznesit duke përfshirë planin e investimeve;
 - o. miratimin e pasqyrave financiare të shoqërisë;
 - p. përcaktimin e strategjisë vjetore të marketingut, burimeve njerëzore dhe strategjisë organizative të shoqërisë;
 - q. përcaktimin dhe miratimin e emrit të markës dhe dizajnit të markës;
 - r. vendimet e ortakëve për ushtrimin e një veprimtarie specifike sipas objektit të veprimitarisë të parashikuar në këtë Statut, që nuk ushtrohet nga Shoqëria në kohën e vendimmarjes.

- 16.4 Nëse Asambleja e Përgjithshme nuk mund të mblidhet për shkak të mungesës së kuorumi të përmendor në nenin 16.1, Asambleja e Përgjithshme mblidhet përsëri jo më vonë se 8 (tetë) ditë, me të njëjtin rend dite.
- 16.5 Asambleja e Përgjithshme mund të marrë vendime të vlefshme dhe detyruese për Shoqërinë, edhe pa u mbledhur, nëpërmjet shkresës qarkulluese, me kusht që vendimi përkatës të jetë nënshkruar nga të gjithë ortakët

NENI 17

Procesverbal i mbledhjes

- 17.1 Të gjitha vendimet e Asamblesë së Përgjithshme duhet të regjistrohen në procesverbal. Prosesverbal përbën datën, vandin e mbledhjes, rendin e ditës dhe rezultatet e votimit.
- 17.2 Prosesverbalit nënshkruhet nga ortakët pjesëmarrës në mbledhje.
- 17.3 Prosesverbalit i bashkëngjitet lista e pjesëmarrësve dhe njoftimi i mbledhjes së Asamblesë së Përgjithshme.

NENI 18

Pjesëmarrja përmes mjeteve elektronike

- 18.1 Ortakët mund të marrin pjesë në mbledhjen e Asamblesë nëpërmjet mjeteve elektronike si telekonferenca, video-konferenca, etj.
- 18.2 Përdorimi i mjeteve elektronike do të kryhet duke marrë të gjitha masat teknike të nevojshme për garantimin e identifikimit të ortakëve, si edhe sigurinë e këtyre mjeteve elektronike. Në veçanti është e nevojshme që të mundësohet pjesëmarrja e të gjithë ortakëve të pranishëm për të diskutuar mbi rendin e ditës, në shqyrtimin, marrjen dhe shpërndarjen e të gjitha dokumenteve të përdorura gjate mbledhjes, si dhe në procesin e votimit për rendin e ditës.
- 18.3 Prosesverbal i mbledhjes së organizuar me mjet elektronike qarkullohet për nënshkrim nga të gjithë ortakët e pranishëm në mbledhje.

NENI 19

Administratori

- 19.1 Administratori është organi ekzekutiv i Shoqërisë.
- 19.2 Shoqëria administrohet nga një ose disa administratore që emërohen dhe shkarkohen me vendim të Asamblesë së Përgjithshme. Afati i emërimit është 5 (pesë) vite me të drejtë ripërtëritje.
- 19.3 Administratori ka të drejtë të kryejë administrimin e zakonshëm të Shoqërisë. Ai ka të drejtë të përfaqësojë Shoqërinë pranë çdo organi shtetëror si dhe në marrëdhënie me të tretë; të hartojë dhe të nënshkruajë çdo dokument të nevojshëm lidhur me mbarëvajtjen e aktivitetit të Shoqërisë si dhe ti depozitojë ato pranë çdo organi kompetent shtetëror, apo personave të tretë privatë, në përputhje me legjislacionin

shqiptar në fuqi. Administratori do te jete përgjegjës por pa u kufizuar per sa me poshtë:

- a) Të kujdeset për mbarëvajtjen e aktivitetit të përditshëm të Shoqërisë, duke kryer të gjitha veprimet e nevojshme lidhur me mbikëqyrjen e personelit; punësimin dhe largimin nga puna të personelit; dhënien e udhëzimeve lidhur me mënyrën e menaxhimit të punëve në Shoqëri; mbajtjen e korrespondencës së Shoqërisë; dhënien e autorizimit për blerjen, marrjen me qira etj. të mallrave apo shërbimeve të zakonshme të cilat lidhen në mënyrë direkte apo të tërthortë me aktivitetin e përditshëm të Shoqërisë; autorizimin për kryerjen e transferimeve bankare apo tërheqjen e shumave të nevojshme nga llogaritë e Shoqërisë lidhur me pagat apo shpërblimet e punonjësve të Shoqërisë; të përpilojë dhe të nënshkruajë faturat tatile që do të lëshohen në emër të Shoqërisë si rezultat i punëve të kryera; të kryejë të gjitha veprimet e nevojshme dhe të nënshkruajë çdo dokument për kryerjen e pagesave bankare, depozitime, tërheqje, derdhje, si dhe transferime apo lëvizje të çdo lloji në llogaritë bankare të Shoqërisë, në të gjitha numrat e llogarisë të Shoqërisë, pranë çdo banke ku ndodhen këto llogari,
 - b) Të përfaqësojë shoqërinë në lidhje me negocimin, hartimin dhe lidhjen e çdo lloj kontrate ose marrëveshje me persona fizikë apo juridikë vendas ose të huaj, me institucionet apo ente të ndryshme shtetërore;
 - c) Të zbatojë vendimet e Asamblesë së Përgjithshme;
 - d) Të zbatojë planin vjetor të biznesit duke përfshirë planin e investimeve;
 - e) Të implementoje strategjinë vjetore të marketingut, strategjinë e burimeve njerëzore dhe organizimin e shoqërisë;
 - f) Të vendosë mbi planin operacional të Shoqërisë;
 - g) Të hartojë buxhetin finansiar vjetor për tu miratuar nga Asambleja e Përgjithshme;
 - h) Ngritjen e sistemit të administrimit të brendshëm;
 - i) Çdo kompetencë tjeter të parashikuar nga Statuti i Shoqërisë.
- 19.4 Për administrimin e zakonshëm të Shoqërisë të përcaktuar në nenin 19.3, Asambleja e Përgjithshme me vendim të posaçëm mund të përcaktojë një shumë limit, me të cilën Administratori mund të kryejë veprimet e sipërcituara.
- 19.5 Për administrimin e jashtëzakonshëm të Shoqërisë, e cila do të kalojë kompetencat e përcaktuara në nenin 19.3 dhe shumën limit, siç mund të jetë vendosur nga Asambleja e Përgjithshme sipas nenit 19.4, Administratori do të kryejë veprime vetëm mbi bazën e një vendimi të Asamblesë së Përgjithshme.
- 19.6 Administratori i parë shoqërisë është z. Fatos Mollosmani:

Të dhëna për administratorin Fatos Mollosmani	Specimeni i nënshkrimit
Lindur më 25.09.1970	<i>Fatos Mollosmani</i>
Numër personal identifikimi: H00925053L	<i>MG</i>

KREU V

EKSPERTI KONTABËL, VITI FINANCIAR DHE BILANCI VJETOR, SHPËRNDARJA E FITIMEVE

NENI 20

Audituesi ligjor

Nëse është e nevojshme ose kërkohet nga ligji, kontrolli i pasqyrave financiare dhe i librave të kontabilitetit të Shoqërisë do t'i besohet një audituesi ligjor, të emëruar nga Shoqëria.

NENI 21

Viti finansiar dhe pasqyrat financiare

- 21.1 Viti finansiar fillon më 1 janar dhe mbaron më 31 dhjetor. Përjashtimisht, viti i parë i veprimitarës fillon në datën e regjistrimit të Shoqërisë nër Regjistrin Tregtar dhe përfundon më 31 dhjetor të atij viti.
- 21.2 Pasqyrat financiare vjetore, raporti i ecurisë së veprimitarës dhe raporti i audituesit ligjor (nëse ka të tillë), miratohen nga Asambleja e Përgjithshme.
- 21.3 Dokumentet që kanë të bëjnë me ushtrimin e vitit finansiar do të miratohen brenda 3 (tre) muajve nga përfundimi i vitit finansiar.

NENI 22

Shpërndarja e fitimeve

- 22.1 Ortakët kanë të drejtë të ndajnë pjesën e fitimit të deklaruar në pasqyrat financiare të Shoqërisë. Fitimi ju shpëndahet ortakëve në përputhjen me kuotat e zotëruara.
- 22.2 Në fund të çdo viti finansiar, Shoqëria është e detyruar të shpërndajë fitimin ortakëve, përveç kur Asambleja e Përgjithshme vendos ndryshe me vendim unanim të të gjithë ortakëve të Shoqërisë.

Në çdo rast, shpërndra e fitimit kryhet vetëm nëse pas pagimit të dividendëve:

- aktivet e Shoqërisë të mund mbulojnë tërësisht detyrimet e saj; dhe
- Shoqëria të ketë aktive likuide të mjaftueshme për të shlyer detyrimet që bëhen të kërkueshme brenda 12 (dymbëdhjetë) muajve në vazhdim.

KREU VI

RIORGANIZIMI I SHOQËRISË, PRISHJA DHE LIKUIDIMI I SHOQËRISË

NENI 23

Prishja dhe likuidimi i Shoqërisë

- 23.1 Shoqëria prishet në rastet e parashikuara nga ligji ose me vendim të Asamblesë së Përgjithshme. Në rast prishjeje, Shoqëria do t'i nënshtrohet procedurës së likuidimit.
- 23.2 Për procedurën e likuidimit të Shoqërisë do të zbatohet legjislacioni shqiptar në fuqi.
- 23.3 Likuiduesi/t do të emërohet me vendim të Asamblesë së Përgjithshme. Emërimi i likuiduesit/eve dhe procesi i likuidimit do të kryhen në përputhje me dispozitat e ligjit shqiptar.

KREU VII

DISPOZITA TE FUNDIT

NENI 24

Zgjidhja e mosmarrëveshjeve dhe ligji i zbatueshëm

- 24.1 Të gjitha mosmarrëveshjet midis ortakëve duhet të zgjidhen me mirëkuptim. Në rastet kur ato nuk mund të zgjidhen me mirëkuptim, secili prej ortakëve ka të drejtë t'i drejtohet për zgjidhje Gjykatës së Rrethit Gjyqësor Tiranë.
- 24.2 Për sa nuk është parashikuar në këtë Statut do të zbatohen dispozitat e ligjit nr. 9901, datë 14.04.2008 "Për tregtarët dhe shoqërítë tregtare" i ndryshuar, si dhe legjislacioni shqiptar në fuqi.
- 24.3 Ky statut u përpilua në 3 (tre) njësi origjinale me përbajtje dhe vlerë të njëjtë ligjore.

Nënshkruar nga:

ORTAKU

Fatos Mollosmani
Fatos Mollosmani